

## IJTIMOIIY FANLAR

### O'ZBEKISTON RESPUBLIKASI PREZIDENTI SHAVKAT MIRZIYOYEVNI "MILLIY TIKLANISHDAN – MILLIY YUKSALISH SARI" NOMLI 4-KITOBIDA TA'LIMGA OID MA'LUMOTLAR

*Isoqova Mohigul Muxtor qizi, Buxdpi "Pedagogik ta'lim" kafedrası  
1 bosqich magistranti*

[mohigulisoqova527@gmail.com](mailto:mohigulisoqova527@gmail.com)

**Annatatsiya:** Shavkat Mirziyoyevning "Milliy tiklanishdan – milliy yuksalish sari" nomli to'rtinchi kitobi O'zbekistonning ta'lim tizimini rivojlantirish, uning sifatini oshirish va zamonaviy talablar darajasiga ko'tarish borasidagi ustuvor yo'nalishlarni yoritishga bag'ishlangan. Ushbu asarda ta'lim sohasining mamlakatning ijtimoiy-iqtisodiy rivojlanishidagi o'rni keng tahlil qilinadi.

**Kali so'zlar:** Shavkat Mirziyoyev, milliy tiklanish, milliy yuksalish, ta'lim tizimi, ta'lim islohotlari, o'qituvchilar malakasi, zamonaviy pedagogika, ta'lim sifatini oshirish, raqamli ta'lim

### INFORMATION ON EDUCATION IN THE 4TH BOOK OF THE PRESIDENT OF THE REPUBLIC OF UZBEKISTAN SHAVKAT MIRZIYOYEV, ENTITLED "FROM NATIONAL REVIVAL – THE LIGHT OF NATIONAL PROGRESSION"

*Isakova Mohikul Mukhtorovna, Bukhara State Pedagogical Institute,  
Department of "Pedagogical Education"  
1st year master's student*

[mohigulisoqova527@gmail.com](mailto:mohigulisoqova527@gmail.com)

**Abstract:** Shavkat Mirziyoyev's fourth book, "From National Revival to National Upliftment" is dedicated to highlighting priority areas for developing Uzbekistan's education system, improving its quality, and bringing it up to modern requirements. This work provides a comprehensive analysis of the role of the education sector in the country's socio-economic development.

**Keywords:** Shavkat Mirziyoyev, national revival, national upliftment, education system, education reforms, teacher qualifications, modern pedagogy, improving the quality of education, digital education.

### ИНФОРМАЦИЯ ОБ ОБРАЗОВАНИИ В ЧЕТВЁРТОЙ КНИГЕ ПРЕЗИДЕНТА РЕСПУБЛИКИ УЗБЕКИСТАН ШАВКАТА МИРЗИЁЕВА «ОТ НАЦИОНАЛЬНОЙ РЕКОНСТРУКЦИИ К НАЦИОНАЛЬНОМУ МОДЕРНИЗАЦИИ»

*Исакова Мохигуль Мухторовна, Бухарский государственный педагогический институт,  
Кафедра «Педагогическое образование»  
Магистратура 1-го курса*

[mohigulisoqova527@gmail.com](mailto:mohigulisoqova527@gmail.com)

**Аннотация:** Четвёртая книга Шавката Мирзиёева «От национального возрождения к национальному подъёму» посвящена приоритетным направлениям развития системы образования Узбекистана, повышению её качества и соответствия современным требованиям. В работе представлен комплексный анализ роли сферы образования в социально-экономическом развитии страны.

**Ключевые слова:** Шавкат Мирзиёев, национальное возрождение, национальный подъем, система образования, реформы образования, квалификация учителей, современная педагогика, повышение качества образования, цифровое образование.

## Kirish

Prezidentimiz Shavkat Mirziyoyevning *“Milliy tiklanishdan – milliy yuksalish sari”* nomli kitobi mamlakat taraqqiyotining asosiy yo‘nalishlarini belgilab beruvchi tarixiy asar bo‘lib, unda ta‘lim sohasini rivojlantirish masalalari alohida o‘rin tutadi. Ushbu asarda ta‘lim tizimi O‘zbekistonning kelajakdagi yutuqlarini ta‘minlovchi strategik omil sifatida baholanadi. Prezident ta‘kidlashicha, ta‘lim sohasidagi islohotlar nafaqat yosh avlodning intellektual salohiyatini yuksaltirish, balki milliy tiklanishdan milliy yuksalish sari bosqichma-bosqich harakatlanishni ta‘minlash uchun zarurdir.

Bugungi kunda globallashtirish jarayonlari va texnologik taraqqiyot fonida O‘zbekiston ta‘lim tizimi oldida jiddiy vazifalar turibdi. Prezident o‘z asarida ta‘lim sifatini xalqaro standartlarga moslashtirish, yoshlarni zamonaviy bilim va kasb-hunar egallashga yo‘naltirish, ularning ma‘naviy va axloqiy tarbiyasiga alohida e‘tibor qaratish lozimligini ta‘kidlaydi. Bu jarayon milliy qadriyatlarni saqlab qolgan holda, xalqaro miqyosdagi raqobatbardosh ta‘lim tizimini yaratishni o‘z oldiga maqsad qilib qo‘yadi.

Prezident Shavkat Mirziyoyev o‘z asarida ta‘lim tizimini takomillashtirish orqali iqtisodiy rivojlanish, ilm-fan yutuqlarini amaliyotga tatbiq etish va ijtimoiy hayotda faol ishtirok etadigan barkamol avlodni tarbiyalash g‘oyalarini ilgari suradi. U *“Yurtimiz kelajagi yoshlarning qo‘lida. Ularni har tomonlama qo‘llab-quvvatlash, ta‘lim va tarbiya jarayonini takomillashtirish – barchamizning muqaddas burchimizdir”* deb ta‘kidlaydi.

Shuningdek, ushbu asarda yoshlarning ta‘lim olish imkoniyatlarini kengaytirish, innovatsiyalarni rivojlantirish va ilmiy-tadqiqot faoliyatini kuchaytirishga qaratilgan bir qator tashabbuslar e‘lon qilingan. Xususan, oliy ta‘lim muassasalari moddiy-texnik bazasini mustahkamlash, xorijiy tajribalarni joriy etish, yosh olimlarni qo‘llab-quvvatlash kabi yo‘nalishlarda amaliy ishlar bajarilayotgani qayd etilgan.

Kitobda ta‘kidlanishicha, har bir jamiyatning muvaffaqiyati va istiqboli yosh avlodning bilim darajasi va tafakkuriga bog‘liq. Shu boisdan ta‘lim tizimida inson kapitalini rivojlantirish, ijtimoiy-iqtisodiy islohotlarni qo‘llab-quvvatlaydigan zamonaviy kadrlarni tayyorlash bugungi kunning dolzarb masalasidir.

Shuningdek, Prezident Shavkat Mirziyoyevning ushbu asarida ta‘lim sohasiga oid asosiy yo‘nalishlar belgilangan. Bulardan eng avvalo, birinchi o‘rinda ta‘lim sifatini oshirishdir. Ta‘lim tizimini isloh qilish orqali uning sifatini oshirish, o‘qituvchilarning malakasini doimiy ravishda oshirish va ularni zamonaviy o‘quv-uslubiy materiallar bilan ta‘minlash orqali ta‘lim sifatini yaxshilash masalalari ta‘kidlanadi. Shuningdek, o‘qituvchilarning ish sharoitlarini yaxshilash va ularning ijtimoiy maqomini oshirish, ta‘lim dasturlarini qayta ko‘rib chiqish, ularni xalqaro standartlarga moslashtirish va fanlararo integratsiya asosida shakllantirish, ta‘lim jarayonida barcha yoshlar uchun teng imkoniyatlar yaratish, ayniqsa qishloq hududlaridagi bolalarning ta‘lim olish sharoitlarini yaxshilashga alohida e‘tibor qaratish, yoshlarni ilm-fanga qiziqtirish, ularga amaliy va nazariy bilimlarni uyg‘un holda yetkazish, ilmiy-tadqiqot faoliyatiga keng jalb qilish orqali jamiyatda bilim va innovatsiyaga asoslangan rivojlanishni ta‘minlash muhimligi aytilgan.

Shu bilan bir qatorda maktablar va oliy o‘quv yurtlarining moddiy-texnik bazasini mustahkamlash, zamonaviy o‘quv jihozlari bilan ta‘minlash orqali ta‘lim jarayonining samaradorligini oshirish, O‘zbekistonning barcha hududlarida, ayniqsa qishloq joylarida, zamonaviy maktablar, kasb-hunar kollejlari va oliy ta‘lim muassasalari qurilishi, ta‘miri va jihozlanishi masalalari, har bir ta‘lim muassasasida yuqori tezlikdagi internet, zamonaviy kompyuterlar va axborot-kommunikatsiya texnologiyalari bilan ta‘minlash, masofaviy ta‘lim va onlayn platformalarni joriy qilish orqali o‘quv jarayonini qulaylashtirishga alohida e‘tibor qaratish, oliy o‘quv yurtlari qoshida talabalarning yashashi va bilim olish uchun qulay sharoitlar yaratish muhimligi ta‘kidlangan. Kutubxonalarda elektron resurslar bilan ta‘minlash ham infratuzilmaning muhim qismi sifatida alohida ko‘rsatilgan. Ta‘lim muassasalari xalqaro standartlarga javob beradigan darajada modernizatsiya qilinishi, xorijiy tajribalar asosida loyihalar ishlab chiqilishi lozimligi keltirilgan.

Prezident Shavkat Mirziyoyevning “Milliy tiklanishdan – milliy yuksalish sari” asarida ta’lim sohasining jamiyat taraqqiyotidagi muhim o’rni keng yoritilgan. Mazkur asarda ilgari surilgan fikrlar nafaqat ta’lim tizimini takomillashtirish, balki mamlakatning intellektual salohiyatini oshirishga qaratilgan strategik rejalar bilan uyg’unlashadi. Asarda ta’kidlangan asosiy tamoyillar O‘zbekistonda har bir fuqaroning ta’lim olish huquqini amalga oshirish, teng imkoniyatlar yaratish, zamonaviy texnologiyalarni joriy qilish va ta’lim sifatini xalqaro miqyosga olib chiqishning asosiy yo‘nalishlarini belgilaydi.

Bu g‘oyalar faqat ta’lim tizimiga ta’sir ko‘rsatib qolmasdan, iqtisodiyot, ijtimoiy soha va mamlakatning umumiy taraqqiyotiga ham xizmat qiladi. Ta’lim infratuzilmasini rivojlantirish, yoshlarning bilim olishga bo‘lgan qiziqishini oshirish, ularga innovatsion va texnologik vositalardan foydalangan holda ta’lim berish orqali O‘zbekiston zamonaviy bilimli va malakali kadrlar bazasini yaratishni maqsad qilgan.

Bundan tashqari, milliy va umuminsoniy qadriyatlarning uyg’unligi ta’lim tizimining asosiy negizi sifatida ko‘riladi. Yosh avlodning ma’naviy va axloqiy tarbiyasiga alohida e’tibor qaratish orqali ularning nafaqat bilimli, balki Vatanga sadoqatli, barkamol shaxs bo‘lib voyaga yetishini ta’minlashga qaratilgan siyosatni ilgari suradi.

Shuningdek, mazkur asarda ta’lim jarayoniga raqamli texnologiyalarni joriy etish, o‘qituvchilarning ijtimoiy maqomini oshirish va ular uchun qulay sharoit yaratish masalalari ham keng yoritilgan. Bu esa o‘z navbatida ta’lim tizimi islohotlarining muvaffaqiyatli amalga oshirilishini ta’minlaydi.

Xulosa qilib aytganda, “Milliy tiklanishdan – milliy yuksalish sari” asari mamlakat ta’lim tizimini rivojlantirish bo‘yicha amaliy va nazariy ko‘rsatmalarni o‘z ichiga oladi. Ushbu tamoyillarni hayotga tatbiq etish orqali O‘zbekistonning milliy yuksalish sari odimlari yanada mustahkamlanadi. Mamlakatimizning barqaror va raqobatbardosh kelajagini qurishda mazkur asar dolzarb dasturilamal bo‘lib xizmat qiladi.

#### **Foydalanilgan adabiyotlar:**

Mirziyoyev Sh. M. “Milliy tiklanishdan – milliy yuksalish sari”. 4-jild. – Toshkent: “O‘zbekiston” NMIU, 2020.